

IV. OPOSICIÓN E CONCURSOS**SERVIZO GALEGO DE SAÚDE**

RESOLUCIÓN do 31 de outubro de 2022, da Dirección Xeral de Recursos Humanos, pola que se publica a relación de aspirantes definitivamente seleccionados/as no concurso-oposición para o ingreso na categoría de médico/a de admisión e documentación clínica e se inicia o prazo para a elección de destino.

Mediante a Resolución da Dirección Xeral de Recursos Humanos do Servizo Galego de Saúde, do 13 de xuño de 2022 (*Diario Oficial de Galicia* núm. 119, do 22 de xuño) habilitouse o prazo dun mes para que os/as aspirantes seleccionados/as no proceso selectivo para o acceso á categoría de médico/a de admisión e documentación clínica, convocado pola Resolución do 13 de decembro de 2019 (*Diario Oficial de Galicia* núm. 246, do 27 de decembro), modificada pola Resolución do 21 de decembro de 2020, presentasen a documentación acreditativa do cumprimento dos requisitos da convocatoria.

A base novena da Resolución do 13 de decembro de 2019 (*Diario Oficial de Galicia* núm. 246, do 27 de decembro), de convocatoria do proceso, dispón que os/as aspirantes que dentro do prazo fixado non presentasen a documentación ou do exame dela se deducise que carecen dalgún dos requisitos para participar no presente proceso selectivo non poderán ser nomeados/as persoal estatutario fixo e quedarán anuladas as súas actuacións.

A mesma base dispón que, comprobada a documentación de todos/as os/as aspirantes aprobados/as, a Dirección Xeral de Recursos Humanos publicará no *Diario Oficial de Galicia* a relación de aspirantes definitivamente seleccionados/as, as prazas que se lles oferten e o procedemento e o prazo para que estes/as manifesten a súa opción polos destinos ofertados.

En virtude do exposto, comprobada a documentación dos/das aspirantes e finalizados os prazos de impugnación administrativa contra a Resolución do 13 de xuño de 2022 pola que se fai público o acordo do tribunal da categoría de médico/a de admisión e documentación clínica, relativos á baremación definitiva da fase de concurso, esta dirección, como órgano convocante do proceso,

RESOLVE:

Primeiro. Publicar como anexo I, a relación de aspirantes definitivamente seleccionados/as no concurso-oposición para o ingreso na categoría de médico/a de admisión e



documentación clínica segundo a orde que, en aplicación das bases da convocatoria, se deberá seguir para os efectos da adxudicación de destino.

Segundo. Aprobar a relación de destinos que se ofertan aos/ás aspirantes seleccionados/as neste proceso, e que figura como anexo II desta resolución.

Terceiro. Abrir un prazo de dez días hábiles, contados a partir do seguinte ao desta publicación para que os/as aspirantes que constan nesta resolución seleccionen telematicamente, a través do sistema de información Fides/expedient-e, os destinos ofertados por orde de prelación.

No procedemento de selección de destinos resultarán de aplicación as bases aprobadas pola Resolución desta dirección do 28 de maio de 2020 (*Diario Oficial de Galicia* núm. 109, do 5 de xuño).

Os/as aspirantes que, neste prazo e conforme o procedemento establecido, non seleccionen ningún destino ou non resulten adxudicatarios/as de ningún polos que optasen, non poderán ser nomeados/as persoal estatutario fixo e quedarán sen efecto todas as súas actuacións neste proceso.

Contra a presente resolución, que pon fin á vía administrativa, poderase interpoñer recurso potestativo de reposición ante este órgano directivo, no prazo dun mes a partir do día seguinte á súa publicación, de conformidade co disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou poderase impugnar directamente na xurisdición contencioso-administrativa nos termos da Lei 29/1998, do 13 de xullo.

Santiago de Compostela, 31 de outubro de 2022

Ana María Comesaña Álvarez
Directora xeral de Recursos Humanos do Servizo Galego de Saúde

ANEXO I
Relación de aspirantes definitivamente seleccionados/as

Médico/a de admisión e documentación clínica

Nº	DNI	Apelidos e nome	Acceso	Nota OPE	Formación	Experiencia	Docencia, investigación e innovación	Total
1	***8401**	Pérez García, Margarita	PI	37,250	6,975	11,710	2,725	58,660

CVE-DOG: opkwajaj2-0mv4-zwv8-9sj3-um4ugwdgn1q2



Nº	DNI	Apelidos e nome	Acceso	Nota OPE	Formación	Experiencia	Docencia, investigación e innovación	Total
2	***8286**	Sanz Falque, Iván	LI	55,625	4,410	6,428	0,000	66,463
3	***3533**	Díaz López, Enrique	LI	42,750	6,550	16,350	0,400	66,050
4	***8714**	Herranz Urbasos, María	LI	41,375	6,600	14,865	1,184	64,024
5	***0475**	Pérez Cachafeiro, Santiago	LI	41,375	7,090	8,560	4,000	61,025

Acceso: LI: libre; PI: promoción interna.

(*) Ocúltase parcialmente o número de documento nacional de identidade para preservar os datos de carácter persoal, de acordo coa Lei orgánica 3/2018, do 5 de decembro.

ANEXO II Destinos que se ofertan

Médico/a de admisión e documentación clínica

Centro directivo	Centro/s	Quenda	Concello	Núm. prazas
A.S. de Ferrol	Complexo Hospitalario Universitario de Ferrol	-	Ferrol	1
A.S. de Lugo, A Mariña e Monforte de Lemos	Complexo Hospitalario Universitario de Lugo	-	Lugo	1
A.S. de Lugo, A Mariña e Monforte de Lemos	Hospital Público de Monforte	-	Monforte de Lemos	1
A.S. de Ourense, Verín e O Barco de Valdeorras	Complexo Hospitalario Universitario de Ourense	-	Ourense	1
A.S. de Ourense, Verín e O Barco de Valdeorras	Hospital Público de Valdeorras	-	Barco de Valdeorras, O	1

